



# **Universitätsbibliothek Paderborn**

## **Cursus Theologico-Moralis**

Ad usum Tyronum elucubratus, Et in Quotidianis Prælectionibus  
Quoad ea, quæ Moralis Theologia disputat de Legibus, de Præceptis  
Decalogi, de Restitutione, ac de Contractibus

**Viva, Domenico**

**Patavii, 1723**

Art. I. Quid, & Quotuplex sit Lex?

**urn:nbn:de:hbz:466:1-40673**

# QUÆSTIO PRIMA.

## De Natura, & Conditionibus Legis in communi.

**L**Ex variis nominibus appellari solet, videlicet Jus, Constitutio, Statutum, Sanctio, &c.: Dicitur Jus, tum quia jubet, & imperat; tum quia intendit unicuique tribuere jus suum: Dicitur Constitutio, seu Statutum, quia constituit, & statuit, quæ facienda sint, vel omittenda: Dicitur Sanctio, quia sancit poenam non obtemperantibus, ex leg. Sanctio §. de Pœnis; Solent tamen appellari proprie Jura leges latae a Supremo Principe seculari, hoc est, ab Imperatore, vel a Rege; Dicuntur vero proprie Constitutiones leges latae a Pontificibus; Legesque latae a Principibus inferioribus, sicut etiam decreta Populorum dicuntur Statuta. His prædictis, discutiemus primo, Quid, & quotuplex sit lex? Secundo, Qualis esse debeat? Debet quippe esse justa, ac respiciens commune bonum, indigetque promulgatione, ac lapsu certi temporis, ut obliget; Debet pariter esse uero recepta, de se perpetua, ac a legitimo Superiore lata. Quærendum etiam, Quænam sit ejus materia; Ac demum, Quinam possit leges civiles ferre; Quinam vero Ecclesiasticas? Sic etiam naturam, conditiones, & causas legis assequemur.

### ARTICULUS I.

Quid, & Quotuplex sit Lex?

- I. Explicatur Legis definitio.
- II. Ea consistit tum in actibus intellectus, tum etiam voluntatis.
- III. Ut Lex obliget, necesse est, ut publicetur, & quod a Superiore feratur.
- IV. Lex omnis respicere debet bonum Communitatis; Quod pariter de Privilegio dicendum, si habeat rationem legis private.
- V. In quo differat Lex a Consilio, Petitione, ac Praecepto?
- VI. Num obliget Lex, de qua dubitatur, an sit utilis Communitati?
- VII. Ad legem ferendam non satis est potestas dominativa, sed requiritur potestas politica, & Jurisdictionis.
- VIII. Habens notitiam legis late illa non obligatur, antequam Communitate publicetur.

IX. Dividitur Lex in Divinam, Naturalem, & Humanam.

X. Necnon in Jus naturale, Jus Gentium, & Jus civile.

XI. Sicut etiam in Affirmativam, & Negativam; Odiosam, & Favoreabilem.

XII. Quid, si dubitetur, an Lex sit odiosa, & ceterus restringenda?

- I. Definitur communiter ex D. Thom. 1. 2. quest. 91. art. 4. Lex, quod sit Ordinatio rationis a Superiore promulgata ad bonum commune: Et Suar. libr. 1. de Legib. cap. 12. clarius illam definit dicendo, quod Lex sit Præceptum commune iustum, ac stabile sufficienter promulgatum; Explicatur communis definitio; Dicitur primo, quod Lex sit Ordinatio rationis, cum sit quædam direccio, seu regula, qua Subditi recte ratione diriguntur. Dicitur autem, quod sit Rationis ordinatio, ad significandum, quod lex sit actus intelle-

A 2 Etus;

Etus; Lex enim est quedam regula agendorum, regula autem a ratione, seu ab intellectu præscribitur; Concurrit autem cum intellectu etiam voluntas Legislatoris, dum intendit obligare.

II. Hinc dubitant Theologi, Utrum lex consistat in actu intellectus, an voluntatis? Valent. Beccan., Cajet., Azor., & alii apud Salas putant consistere in solo actu intellectus judicantis, rem imperatam per legem esse convenientem bono communi; Gabriel, Major, & alii apud Suar. putant consistere in solo actu voluntatis intendentis obligare. Verius Suar. docet in utroque actu, intellectus simul, & voluntatis, consistere; quia per solum actum intellectus Superior non obligat, & per solum actum voluntatis non ordinat, & disponit; ergo, ut ordinet simul, seu disponat, & obliget, uterque actus requiritur: Per actum intellectus judicat, legem illam esse convenientem Reipublicæ; aliter imprudenter, & injuste legem ferret absque hoc judicio, & illo deficiente, lex esset nulla, utpote iusta; Deinde per actum voluntatis vult subditos obligare ad legis observationem.

III. Dicitur secundo, *Promulgata a Superiore*; nam nisi superior explicet signo externo voluntatem suam, non poterit subditos obligare; Quare promulgatio est conditio essentialiter requisita, ut possit lex obligare: Debet etiam lex esse a Superiore habente potestatem obligandi, seu, ut loquitur D. Th., ab eo, qui curam habet Communilitatis; tum quia si legislator careat potestate obligandi, non obligat; tum etiam quia lex est actus Jurisdictionis, ex leg. 1. ff. de Jurisdictione omnium Judicium; actus autem jurisdictionis solum exerceri potest ab eo, qui curam habet communilitatis, & potestatem habet obligandi.

IV. Dicitur demum; *Ad bonum commune*, ad ostendendum finem, propter quem lex ferri debet; Quamvis enim aliquæ leges videantur immediate respicere bonum particulare, ut sunt leges conditæ in favorem pupillorum, minorum, Ecclesiasticorum, &c., tamen istæ etiam spectant ad bonum commune, non quia bonum partis est bonum totius, ut quidam putant; sed quia immediate spectat ad bonum illius particularis communilitatis, videlicet omnium pupillorum, Minorum, &c.; necnon etiam quia cuiilibet evenire potest, ut sit ex illa Communitate: Hinc ideo lex de facienda eleemosyna dicitur utilis bono communi, quia quilibet potest esse pauper; Lex ipsa vectigalium, quæ videtur gravare subditos, etiam respicit bonum Communilitatis, quia nihil utilius Communilitati, quam esse defensam, ad cujus finem tributa imponuntur; & lex præscriptionis, quæ pluribus est damnosa, utilis est Reipublicæ, quia pacem constituit vitando lites; non secus ac lex punitiva damnosa est delinquenti, utilis vero Reipublicæ. Demum Privilegium, si detur Personæ particulari, non habet rationem legis; Si vero detur aliqui particulari Communilitati, dici potest lex privata, eo quod respiciat bonum illius communilitatis, de qua quilibet esse potest; Ut privilegium, quod datur Regularibus, dicitur lex privata; quilibet enim potest fieri regularis, & tali beneficio gaudere.

V. Ex dictis sequitur primo, dif-  
ferre legem a Consilio, Petitione,  
& Præcepto; quia licet per ista pos-  
sit aliquis dirigi, & ordinari ad re-  
ete operandum, tamen Consilium,  
& Petitione non debent necessario esse  
a Superiore, cum possint etiam ha-  
beri ab æquali, immo etiam a Subdi-  
cto; Præceptum vero, licet debeat es-  
se a Superiore, at non est a Supe-  
riore

riore respiciente bonum commune ; satis enim est , quod sit in bonum specialis illius persona , cui præceptum imponitur . Deinde Præceptum imponi potest persona particulari ; Lex vero semper imponitur Communitat i : Demum præceptum expirat morte præcipientis ; lex vero , cum sit perpetua , ac stabilis , morte Legislato ris non finitur .

VI. Sequitur secundo , legem injustam , inutilem , & non faventem bono communi , Legem proprie non esse , atque adeo nullam obligationem inducere : Immo præcise per hoc , quod sit inutile , est injusta ; quia fine ulla causa privat hominem libertate sua : Unde is , cui certo constat , legem aliquam esse magis noxiā , quam utilem Communitat i , & bono communi simpliciter conducere talem legem revocari , non tenetur præciso scandalo illam servare ,

Si tamen dubium sit , An lex aliqua sit utilis Communitat i ? Docent communiter cum Suar. , Sal. , Bonac. contra nonnullos apud Pal. disp. 3. de Conscientia §. 13. , & Dian. part. 4. tract. 3. refol. 9. , servandam esse ; tum quia possessio stat pro lege , quæ certa est , & incerta ejus excusatio ; tum etiam quia in foro externo præsumitur in favorem Superiorum ; Idem autem est judicium Fori interni , ac externi , quoties hoc non nittitur in falsa præsumptione .

VII. Sequitur tertio , legem ab eodem taxat ferri posse , qui curam habet Communitat i non æconomicam , sed politicam , & jurisdictionis . Nam ii , qui habent potestatem dominativam , & æconomicam , ut parentes erga filios , Domini erga servos , Mariti erga uxores , &c. , ex vi talis potestatis non semper attendunt bono Subditorum , sed proprio : Contra vero Superior habens potestatem politican , & jurisdictionis debet in lege

ferenda semper attendere bono subditorum ; aliter subditus obedire non tenetur .

VIII. Sequitur quarto , Promulgationem legis faciendam esse ipsi Communitat i , non vero singulis . Ratio est , quia pro bono Communitat i fertur , & singuli non obligantur , ut sunt persona particulares , sed inquantum sunt pars Communitat i ; idcirco si quis habeat notitiam legis , antequam toti Communitat i promulgetur , ea non tenebitur . Quia tamen Communitas perpetua est , ac stabilis , ideo lex debet esse stabilis , & juxta Panormit. , & Navar. apud Pal. , perpetua , ita ut si pro determinato tempore lex fera tur , potius præceptum , quam lex dici debeat : An autem requiratur acceptatio populi ? dicemus infra , ex benignitate legislatoris aliquando requiri , non tamen de essentia legis ; aliter non tam Superior obligaret Subditos , quam Subdi se obligarent .

IX. Porro dividitur primo Lex in Divinam , Naturalem , & Humanam , seu positivam ; Divina est illa , qua Deus ipse indicans quid nobis faciendum sit , habet voluntatem nos obligandi ad ejus observationem ; Talis erat lex vetus Mosaica , in qua Deus ritus Sacrificiorum , verbi gratia , præcepit ; Et talis est lex nova Euangelica , verbi gratia , de Baptismo fulciendo , de Eucharistia , &c.. Naturalis lex est illa , que rationali natura indita est ; quilibet enim habet dictamen quoddam rationis indicans quid honestum , & conveniens natura rationali sit , quid in honestum , & inconveniens . Quia tamen dictamen est in nobis ab ipso Deo auctore natura , & est velut tubicen promulgans nobis legem æternam , seu voluntatem Dei , juxta illud Psalm. 4. *Signatum est super nos lumen vultus tui Domine* , idcirco lex naturalis est etiam lex Divina . Propterea lex Divina dividi solet in Naturalem , & Positivam ;

6

vam ; illa præcipit quæcumque naturæ rationali convenientia sunt , ut præcepta Decalogi , &c. ; hæc vero præcipit , quod lege naturali sanctum non est , ut est lex de fuscipiendo Baptismo , de præmittenda confessione Communioni , &c. Demum lex humana , seu positiva est illa , quæ immediate ab homine provenit habente potestatem jurisdictionis , seu potestatem condendi leges , quibus inferiores gubernantur . Quia tamen Superiores alii sunt seculares , alii Ecclesiastici , ideo lex humana subdividitur in Ecclesiasticam , & Civilem ; Illa provenit a Christo Domino , tamquam ejus Auctore primo , & subditos ad supernaturalem finem dirigere intendit ; Ista vero attendit Gubernationi politicæ , & concernit homines in pace conservare . Unde sit , quod quando lex civilis est contra legem Canonicam , legi canonicae potius , quam civili parendum sit .

X. Dividi secundo solet lex ex Ulpian. , & Justinian. in Jus naturale , Jus gentium , & Jus civile . Quid sit lex , seu jus naturale , & civile , jam explicavimus ; Jus vero Gentium est lex illa , quam omnes nationes naturali ratione ductæ constituant , ex *leg. Omnes populi ff. de Justitia , & iure* ; qualis est lex illa , quod possessiones sint dividenda ; quamvis enim ab initio omnia fuissent communia , tamen processu temporis omnes nationes judicarunt possessiones esse dividendas ad pacem conservandam , & discordias vitandas . Doubtant hic Doctores , Num Jus Gentium dici debeat lex naturalis , an positiva ? Azor. & alii apud Sal. disp. 2. seet. 2. putant esse naturalem , quia ductu naturæ in illam omnes convenient : Valent tamen , Salon. , & alii docent probabilius esse legem positivam , deducetam tamen ex aliquo principio juris naturæ ; alioquin non bene divideretur lex in tria membra , videlicet in Naturalem , Gentium ,

& Civilem : Quibus adde , quod lex naturalis est invariabilis ; Jus vero Gentium de dividendis possessionibus non habebatur , quando omnia erant jure naturæ communia : Sic Legatorum admissio , paces , fœdera , servitutes , bella , contractus jure Gentium introducta sunt ; jus enim naturale ad ea non necessitabat , cum possint aliter homines gubernari ; usus tamen , & humanæ necessitates compulerunt Gentes ad ea jura sibi constituenda , ut loquitur Justinian. in §. *Jus autem , Institut. de jure naturali , Gentium , & civili* ; Alii tamen cum Azor. part. 2. lib. 2. c. 3. docent , Jus naturale dici id , cuius vestigium habetur in brutis , ut vim vi repellere , seipsum defendere , victimam sibi comparare , noxia fugere : Jus vero Gentium esse id , quod solis hominibus a natura præscribitur , ut Deum colere , Parentes honorare , reddere unicuique quod suum est .

XI. Dividitur tertio in Affirmativam , & Negativam ; Illa præcipit aliquid ponendum , ut lex de audiendo Sacro ; Ista præcipit aliquid omitendum , ut lex de non furando , non fornicando , &c. . Dantur aliae leges prohibentes contractum , aliae contractum irritantes ; Aliae præceptivæ , quæ obligant in conscientia ; Aliae pure poenales , quæ tantum obligant transgressorum ad penam , de quibus infra .

Dividitur demum lex in Odiosam , & Favorabilem ; ut colligitur ex cap. *Odia , de Regulis juris in 6.* , ubi dicuntur , Odia esse restringenda , & favores ampliandi . Odiosa imponit gravamen , a quo natura abhorret ; Favorabilis continet aliquem favorem .

Dificultas tamen non levis sæpe habetur in cognoscendo quænam lex dicitur gravamen , quænam favorem continere ; Nam sæpe lex , quæ unum gravat , alteri favet ; ut lex de solvendis tributis gravat subditos , & Principi est favorabilis : Sic lex imponens ex-

com-

communicationem percutienti Clericum faveat Clericis, & gravat delinquentes: Privilegium faveat privilegiato, & gravat reliquos, qui ægre ferunt, quod ille a communibus oneribus eximatur: Proinde aliqui docuerunt cum Tiraquel., legem dicendam esse odiosam, & restringendam, si gravamen ferat, etiamsi favorem contineat; Alii cum Panormit. censendam esse favorablem, & ampliandam, si favorem contineat, etiamsi ferat gravamen. Merol. cum communiori putat, inspiciendum esse finem primarium Legislatoris, itaut dicatur odiosa, si primario intendat gravamen, & favorabilis, si primario intendat favorem. Suar. tamen lib. 5. de Legibus cap. 5., & Pal. putant, proprietatem legis spectandam esse potius ex materia præcepta, quæ est materia intrinseca, & quasi natura legis, quam ex fine extrinseco Legislatoris; Nam vel inspicitur finis ultimatus, & sic omnis lex esset favorabilis, quia omnis lex respicit essentialiter bonum Communilitatis, atque adeo continet favorem; Vel attenditur finis proximus a Legislatore intentus, & saepe lex odiosa intendit immediate favorem, & lex favorabilis gravamen; ut constat exemplis obviis; Nam dispensatio communiter censetur esse odiosa, & restringenda, cum sit vulnus legis, & contra jus; & tamen qui dispensat in lege, immediate intendit concedere favorem; Et idem dicas de lege correctoria juris communis: Contra vero lex imponens excommunicationem percutiori Clericorum censetur favorabilis; & tamen immediate infert gravamen delinquenti. Quare dicendum cum Suar., & Pal. proprietatem legis attendendam esse ex materia præcepta, quæ si contineat magis gravamen, quam favorem, dicenda sit odiosa; ut lex imponens vectigalia, vel poenas transgredienti aliquam legem; Secus vero

dicenda sit favorabilis, si potius contineat favorem, quam onus; ut lex signans taxam mercibus, & lex apponens solemnitates contractibus; Et ejusmodi communiter censetur esse lex imponens centuram percutienti Clericum; quia hoc potius cedit in favorem Clericorum, quam in gravamen delinquentium.

XII. Quod si dubium aliquando sit, an lex aliqua favorem potius, quam gravamen contineat, tunc dicenda est ex Suar. favorabilis; quia favor præfertur odio, eo quod de Principe potius beneficium, quam odium præsumendum sit.

## ARTICULUS II.

De Conditionibus legis; Ac primo, quod lex debeat esse iusta.

- I. Ad legis validitatem septem conditiones requiruntur.
- II. Debet quidem esse iusta. Quinque autem modis potest esse iusta.
- III. Non tenetur legem iustam servare, præciso tamen scandalo.
- IV. Quid, si dubitetur de legis iustitia?

I. Septem sunt præcipuae conditiones ad legem requisitæ. Prima, ut sit iusta. Secunda, ut feratur ad bonum commune. Tertia, ut sit promulgata. Quarta, ut lapsum sit tempus a Legislatore præscriptum ad obligandum. Quinta, ut sit usu recepta. Sexta, quod sit perpetua. Demum, quod a legitimo Superiore feratur: De quibus omnibus sigillatum agendum in sequentibus articulis. Postremam tamen conditionem opportunius explicabimus, ubi, exposita Legis materia, inquiremus, Quinam possit Leges condere.

II. Primo itaque, Ut lex sit valida, non solum debet esse utilis bono publico.